

ՕՇԱԿԱՆՈՒՄ ԲԱՅՎԵՅ Ս. ՄԵՍՐՈՊ ՄԱՇՏՈՑ ԴՊՐԱՏՈՒՆԸ

Բարեգործութիւնը դարձել է դավանանք ազգիս նվիրյալ գավակներէց շատերի Համար, որոնց անվանացանկը լրացնելու եկավ ևս մեկը՝ ամերիկահայ Զիվան Կորոյանը, ուսմ ընտանիքի անդամները, Հաղիվ մագապուրծ Թուրքի յաթաղանից, երկար դեգերումներէց Հետո, Հաստատուիցին Ձիկադոյի նահանգում:

Տոնական տրամադրութեամբ սույն թվականի սեպտեմբերի 6-ին Արագածոտնի նահանգի ղեկավարութիւնն Օշական գյուղում ընդունեց պատվավոր Հյուրերին՝ Ամենայն Հայոց Կաթողիկոս Ն.Ս.Օ.Տ.Տ. Գարեգին Ա Հայրապետի նախագահութեամբ:

Օշականի Սուրբ Մեսրոպ Մաշտոց եկեղեցու մուտքի մոտ Նորին Արքութեանն ու իր շքախմբի անդամներին դիմավորեցին ավանդական աղ ու Հացով, դհուլ-դուռնայով: Ապա Հայոց Հայրապետը «Հրաշափառ»-ի երգչեղուքով մուտք գործեց Ս. Մեսրոպ Մաշտոց եկեղեցի, ուր, ամենքի Հետ մեկտեղ, վկան եղավ նորաբաց Ներսես Աշտարակեցի Համալսարանի առաջին ուսանողներին Հանդիսավոր երդման արարողութեանը:

Նախ ներկաներին ողջույնի ու բարիգալստյան խոսք ասաց Արագածոտնի Թեմի առաջնորդ Հոգեշնորհ Տ. Նավասարդ վարդապետ Կճոյանը, ապա, նորաբաց Համալսարանի ռեկտոր պրոֆեսոր Մարտուն Գրիգորյանի բացման խոսքից անմիջապէս Հետո, ապագա ուսուցիչներն ուխտեցին լինել Ամենայն Հայոց Ուսուցչապետի արժանի Հետնորդներն ու նվիրյալները:

Այնուհետեւ իր Հայրական պատգամ-խորհուրդը տվեց ամենայն ազգիս Հայրապետը՝ շեշտելով. «Մշակույթն է, որ կկերտի Հողը և կվերածի այն Հայրենիքի: Այդ մշակույթին սպասավորներն եք դուք այսօր: Ես չնորՀավորում եմ ձեզ, մասնավորաբար 1996-97 դպրոցական տարեշրջանի այս սկզբին և ի սրտե աղոթում եմ, մաղթում, որ կապվեք ուսման, ուսումը ապրուստի վերածեք, ձեր բարձրացման և Հայրենիքի զարգացման ծառայութեան մեջ զնեք: Աստված Թող օրհնի այս նոր սերունդը և մանավանդ նրանց տա Հառաչելիութեան, զարգացման, եղածին վրա նորը շինելու գաղափարին և գաղափարականին գիտակցութիւնը»:

Հանդիսութիւնն ավարտվեց «Պահպանիչ»-ով: Ապա Նորին Արքութեանը, Հոգեւոր դատի և Հյուրերի Հետ, առաջնորդվեց դեպի 88-ամյա բարերար տիար Զիվան Կորոյանի միջոցներով վերաբացված Սուրբ Մեսրոպ Մաշտոց դպրատուն, ուր կատարվեց նորաբաց Հաստատութեան օրհնութեան կարգը՝ ձեռամբ Նրուսահեմի Հայոց Պատրիարք Ամենապատիւ Տ. Թորգոմ արքեպիսկոպոս Մանուկյանի:

Ներկաների ուշադրութիւնը Հրավիրելով դպրատան դերին և ապագա խնդիրներին, շեշտելով մեծ Հայորդուն նվիրումը՝ Գարեգին Ա Կաթողիկոսն ի մասնավորի նշեց. «Երջանկահիշատակ Գևորգ Ե Կաթողիկոսը այս դպրոցին Հիմքերը դրավ, ապա Վազգէն երջանկահիշատակ մեր նախորդը մտածեց այն վերածել Սուրբ Մեսրոպ Մաշտոցի անվան Թանգարանի, մենք Թանգարանը և դպրութեան տունը միացուցինք: Ահապատիկ իրագործվեցավ այդ երազը: Թող երկինքեն երջանկանան Վազգէն Կաթողիկոսի և Գևորգ Ե-ի Հոգիները: Անոնց Հետ և անոնցմե բարձր Թող բերկրի Հոգին Սուրբ Մեսրոպ Մաշտոցի»:

Հավարտ իր խոսքի, Նորին Սուրբ Օծութեանը տիար Զիվան Կորոյանին պարգևատրեց Հայաստանյայց Եկեղեցու ամենաբարձր պարգևով՝ Սուրբ Գրիգոր Լուսավորչի առաջին աստիճանի շքանշանով, որից Հետո իր սրտի խոսքն ասաց բարերարը:

Մ. Վ.